



**UNIT KOMUNIKASI KORPORAT JABATAN  
PERIKANAN MALAYSIA  
BERITA PERIKANAN HARI INI**

**22 Julai 2024  
16 Muharam 1446H**

<b>Utusan Malaysia</b>	<ul style="list-style-type: none"><li>• Harga ikan dijangka meningkat dua kali ganda</li><li>• RM5.8 juta bangunkan projek tukun konservasi</li></ul>
<b>Berita Harian</b>	•
<b>Harian Metro</b>	•
<b>Kosmo !</b>	•
<b>Sinar Harian</b>	•
<b>The Star</b>	•
<b>New Straits Time</b>	•
<b>Nanyang Siang Pau</b>	•
<b>Malaysia Gazette</b>	•
<b>The Sun</b>	•
<b>Malaysiakini</b>	•
<b>Bernamea</b>	•
<b>Borneo Post (KK)</b>	•
<b>Guan Ming Daily</b>	•
<b>Sabah Media</b>	•

UTUSAN MALAYSIA	/	KOSMO!		THE STAR		NANYANG SIANG PAU		MUKA SURAT	TARIKH
BERITA HARIAN		SINAR HARIAN		THE SUN		ORIENTAL DAILY			
HARIAN METRO		NEW STRAITS TIMES		THE MALAY MAIL		PELBAGAI			
KATEGORI LIPUTAN: POSITIF			NEGATIF	/	NEUTRAL				
								14	22.7.2024

# Harga ikan dijangka meningkat dua kali ganda

um, m.s 14, 22hb

**PETALING JAYA:** Harga ikan boleh melonjak melebihi dua kali ganda sekiranya aktiviti pencerobohan nelayan asing yang menyebabkan 50 peratus hasil laut negara dicuri tidak dibanteras.

Pakar Keterjaminan Makanan, Prof Datin Paduka Fatimah Mohamed Arshad berkata, negara dijangka berdepan masalah ikan mahal ekoran nelayan tidak mempunyai modal untuk meneroka laut dengan lebih luas dan perlu berdepan dengan pesaing negara-negara lain.

Menurut beliau, krisis 'kecurian' hasil laut negara sudah berlarutan terlalu lama dan memerlukan penyelesaian jangka panjang bagi mengelak negara menghadapi kekurangan bekalan ikan yang akan menyebabkan berlakunya peningkatan harga.

"Kerajaan kena beri sokongan

besar kepada nelayan jika tidak mahu perkara ini (peningkatan harga ikan) berlaku, nelayan tempatan juga perlu 'gagah' untuk keluar ke laut lebih lama bagi membawa hasil ke darat.

"Ini kerana apabila kita kurang membawa hasil ke darat dan nelayan asing dapat menangkap ikan di perairan kita maka mereka akan eksport ikan itu kepada kita pula, ini sudah pasti meningkatkan harga makanan tersebut," katanya ketika dihubungi *Utusan Malaysia*.

Terdahulu, akhbar ini mendedahkan negara menghadapi kerugian sehingga RM823.88 juta akibat pencerobohan nelayan asing sepanjang tahun 2020 hingga 2023.

Lebih malang, berdasarkan kajian Institut Penyelidikan Perikanan Kampung Aceh dan Laporan Sea Around Us, hanya 50 peratus hasil laut negara mendarat di Malaysia manakala

selebihnya dicuri oleh nelayan asing ke negara masing-masing.

Berdasarkan rekod Jabatan Perikanan Malaysia (DOF), Agensi Penguatkuasaan Maritim Malaysia (APMM) dan Polis Marin, sebanyak RM225.22 juta kerugian dicatatkan pada tahun 2020, RM238.69 juta (2021), RM200.19 juta (2022) dan RM159.77 juta (2023).

Sependapat dengan itu, penganalisis Ekonomi, Prof. Emeritus Dr. Barjoyai Bardai berkata, harga ikan dijangka meningkat sehingga melebihi 100 peratus atau dua kali ganda dalam jangka masa lima tahun akan datang.

Ini kerana, jelasnya, penduduk Malaysia gemar memakan ikan sebagai sumber protein berbanding ayam dan daging, jadi ini menyebabkan permintaan terhadap bekalan makanan laut itu terus meningkat.

"Apa yang penting pada kita sekarang adalah kecukupan

bekalan ikan kerana apabila bekalan ikan kurang maka akan menyebabkan harganya menjadi lebih mahal," katanya.

Beliau berkata, negara perlu memikirkan cara atau inisiatif bagi menarik lebih banyak ikan ke dalam perairan negara bagi memudahkan para nelayan menangkap ikan dan membawa ke daratan negara.

"Kita tidak boleh menekankan sangat tentang hasil pendapatan tangkapan ikan di luar kawasan tangkapan kita seperti kawasan antarabangsa. Sebaiknya melakukan inisiatif-inisiatif untuk menarik ikan.

"Jadi ini tidak akan menimbulkan isu hak hasil laut dengan negara-negara lain, selagi ikan tidak ditangkap maka susah untuk kita katakan bahawa itu adalah ikan kita sebab itu penting untuk memastikan haiwan laut tersebut dekat dengan kawasan kita," jelasnya.

JENIS AKHBAR

UTUSAN MALAYSIA	/	KOSMO!		THE STAR		NANYANG SIANG PAU		MUKA SURAT	TARIKH
BERITA HARIAN		SINAR HARIAN		THE SUN		ORIENTAL DAILY			
HARIAN METRO		NEW STRAITS TIMES		THE MALAY MAIL		PELBAGAI			
KATEGORI LIPUTAN: POSITIF		/	NEGATIF		NEUTRAL			36	22.7.2024

## RM5.8 juta bangunkan projek tukun konservasi

UM, 22/7/2024

**PASIR PUTEH:** Jabatan Perikanan mengeluarkan dana sebanyak RM5.8 juta untuk membangunkan projek tukun konservasi dalam usaha menambah sumber laut dan biodiversiti ikan di perairan Kelantan sejak 2009.

Pengerusi Jawatankuasa Pertanian, Industri Agromakanan dan Komoditi negeri, Tuan Mohd. Saripudin Tuan Ismail berkata, peruntukan itu diagihkan oleh Kerajaan Persekutuan dan kerajaan negeri bagi memastikan hasil laut di Zon A dinikmati nelayan kecil.

Menurutnya, setakat ini, sebanyak 300 tukun konservasi dan rekreasi dilabuhkan di dasar perairan Pantai

Tok Bali, Pantai Bachok, Kota Bharu dan Tumpat.

“Sebanyak 12 tukun konservasi dilabuhkan di lokasi 10 kilometer dari Kuala Tok Bali. Program yang sama akan dilaksanakan di Tumpat melibatkan tujuh buah tukun, Kuala Besar di Kota Bharu dan Pantai Irama di Bachok masing-masing 17 buah tukun dan 12 tukun di Tok Bali sepanjang tahun ini.

“Kerajaan Persekutuan juga menyalurkan dana sebanyak RM412,000 manakala kerajaan negeri sebanyak RM300,000 pada tahun ini,” katanya selepas Program Melabuhkan Tukun Konservasi tukun di perairan Tok Bali, di sini, semalam.



**KERJA-KERJA** menurunkan tukun untuk dibenamkan ke dasar laut Tok Bali, Pasir Puteh, Kelantan. - UTUSAN/TOREK SULONG